


ნახ. დ. პატარაძე




მეგობარი — ოქროს თევზი: — რა ვქნა, ისევ სათხოვნილად გა-  
მომავდომ ჩემს დედაპარსა.. ჯერჯერობით ვერაფრით ვერ გარ-  
დაიძნეა..





# ურემს ნუ გაკყვები და ტალახი არ მოგაცხება!..



## ფელატონი

გამყიდველის პროფესიის შესასწავლად, მაგრამ შეპირებული ადგილი არ ჩანდა!.. **ლეილა** სახლში მიაკითხა თავის შუგს.

— მოდი, ჩემო ძვირფასო, მოდი! ეს-ესაა, ახლა ვაპირებდი შენთან წამოსვლას. რა ვქნა, ახლოსაც არ გამიკარა დიდმა კაცმა. ორი ათასი მანეთი სასაცილოდაც არ ეყო. ხელიც არ დააკარა! ისე, სწორი კია! ხომ იცი, თუ მუშაობა დაიწყე, მაგ თანხას სულ რამდენიმე დღეში ამოიღებ!..

— კარგი, კარგი! როგორც გიჭირდეს, ისე გიღირდესო, — სწორედ ჩემზეა ნათქვამი. შევიტყვი ამ საქმეში და რა ვქნა ახლა?! აი კიდევ 1000 მანეთი მოგიტანე! ცოტა დამიჩქარე! მეტი ლოდინი აღარ შემიძლია! მართლა, რაც მთავარია, დამავიწყდა: უკვე კარგად ავითვისე ბენზინის გაყიდვის მანიპულაცია.

— ეს როგორ?  
— ეს ჩემი საიდუმლოება!

— რაზან ასეა, აწი მე ვიცი! ჩათვალე, რომ ხვალეიდან უკვე გაფორმებული ხარ ბენზინის გამყიდველად. როგორ გავწვადდი, მაგრამ შენი გულისთვის ნემსის ყუნწში გაქძვრები. აწი ნურაფრის გეშინია, ყველაფერი კარგად დამთავრდა!..

— მეც პირობაზე მზად ვარ!

**ლეილა გოგოჭარა** მონუსხულივით შესცქეროდა **ოფალიან**ს ხელჩანთას, სადაც მისი სამუშაოზე გაფორმების ბრძანების ასლი ეგულეობდა.

წუპაკი, ალბათ სანამ შეპირებულ დანარჩენ თანხას ორი ათას მანეთს არ ჩაიბარებს, მანამდე არ აპირებს ბრძანების ასლის მოცემას! — გაიფიქრა **გოგოჭარამ**.

— ქალო, ნუ დამტანხვე, მომეცი ეგ სამსახურში დანიშნვის ქაღალდი!

— ა, ჩემო ლეილა, გაიხარე! აწი ნურაფრის ნუ გეშინია! გაიხარე! — ოფალიამ ხელჩანთიდან თხელყდიანი ბროშურა ამოიღო და ლეილას გადააწოდა.

— ეს რა არის?! — წარმოთქვა შეცბუნებულმა, გაფითრებულმა **ლეილამ** — წიგნი მინდა ახლა მე?!.

— ღარიბმა კაცმა ღორს მუცელშივე შეუჭამა გოჭიო, აბა! — უყვარდა ამ ანდაზის გამეორება **ოფალია ქიქიბარს** და, მართლაც, მის გარშემო მუდამ ისეთი ხალხი ტრიალებდა, ვისაც უშრობელი შემოსავლის მიღების წყალობით ჯიბე ფულთი ჰქონდა სახსე.

ქაღმა რომ თქვა, ბედი მომეც, სანახევზე გადამაგდეო, სწორედ **ოფალიანზე** ითქმობდა. მაინც რა საქმეზე არ ეტანებოდნენ! — არიქა, ქალბატონო ოფელია, დამიტრიალდი, ბინის გადაცვლაში დამეხმარე!..

ზოგი სარფიანი სამსახურის ხელში ჩადებას ნატრობდა და ყოველივე ამის მიღწევაში **ოფალიანს** იმედი ჰქონდათ!..

სწორედ სარფიან სამსახურში მოწყობის იმედით ეწვია თბილისში, პლენანოვის №35 სახლში, **ოფალია ქიქიბარს ლეილა გოგოჭარა**.

— ქალბატონო ოფელია! ვიცი, ყველას ეხმარებით და მე რა დავიშავებო, ყურადღებას რომ არ მაქცევთ? უნდა მიშველოთ, სადმე სარფიან საქმეზე გამიშვათ, ხომ იცი, ხელი ხელსა ბანს და!..

— ორივე კი პირსო! — დაასწრო **ოფალიან** და მაგიდაზე შემანაწერი და ხილი დაალაგა. — მაგაზე როგორ გაწყენინებ, ჩემო ლეილა, მოგიკვდეს ჩემი თავი, აგერ არა ვარ? მითხარი, სად ისურვებ მუშაობას და ზღაპარში რომ არის, ისე აგისრულებ სურვილს!

— ბენზინის გასამართავ სადგურში!.. ამბობენ, ბენზინის გამყიდველები დიდძალ ფულს აკეთებენო!.. დიდი მადლობელი ვიქნები!..

— ფიცი! — ირონიულად გაიჭყანა **ოფალია ქიქიბარა**, — მადლობა არც იჭმება და არც ისმება! ხომ იცი, დიდ ქვაბს დიდი სულის ბურჯა უნდა! ძვირი დავიჯდება!..

— სარფიანი საქმე რომაა, მეც ამიტომ ვარ დაინტერესებული!.. რაც ღირს, უკან არ დავიხვე!..

— სიღბო ყელმა ნახოს და სისხო ხელმაო! ზევით უნდა შევაწუხო ხალხი, ეგ საქმე ისე არ გამოვა! ჰოდა, იქ, ზევით, რა უნდა, ჩემზე კარგად იცი შენი!..

— კი, ბატონო, მზადა ვარ. აგერ ორი ათასი მანეთი მიითვალე. ეს ბედ მომართმევი, როგორც კი ჩემს საგუნებო ადგილზე დამნიშნავ, სამი ათასს კიდევ მოგართმევ! — **ლეილა გოგოჭარამ** ფულის შეკვრა მაგიდაზე დადო. ოფელიამ ფულს არც დახედა, ისე მოუსვა ხელი და მაგიდის უფრასი მიუჩინა ბინა.

**ლეილა გოგოჭარამ** გადაწყვიტა, სანამ აღთქმულ ბენზინის გამყიდველის თანამდებობას მიიღებდა, არალეგალურ მდგომარეობაში გადასულიყო: იგი თითქმის ყოველდღე დადიოდა ბენზინის გასაყიდ პუნქტებში ფარულ „სტატირებაზე“, ვითომ ვინმეს ელოდებოდა ან ეძებოდა, ფარულად სწავლობდა, ერკვეოდა და აკვირდებოდა ბენზინის გაყიდვის „საიდუმლოებას“.

ექვსი თვე გავიდა, რაც **ლეილა გოგოჭარა** **ოფალია ქიქიბარისათვის** ქრთამის მიცემის შემდეგ „არალეგალურ მდგომარეობაში“ იყო გადასული ბენზინის

— შეხედე ახლა ამას შენი! — წამოიყვირა

**ოფალიამ**. — სწორედ ჩემხარე, ვინაობა ქალზეა ნათქვამი: ჩაითრია ბადავმა ბუნიო ჯერ მარბენინა აქეთ-იქით, რაგორ ხალხი შევაწუხე ამის გულისათვის, ეს კი გაიძახის, წიგნი მინდა მეო?! იცი შენი, რა არის ეს?! რა გადახდა ამის საშოვნელად?! — **ოფალია** ცეცხლს აკვესებდა თვალებიდან.

გაფუჭდა **გოგოჭარის** ქალი, — ვერაფერი ვერ გავიგეო, — წაილულულა.

— ჰოდა, გამომართვი, შვილო, და რბალო, ეს წიგნი და შენც მოისვენე და მეც მომასვენე!

— „ავტოგასამართავი სადგურის მუშაობის ინსტრუქცია“, — ამოიკითხა **ლეილა გოგოჭარამ**. იგი დაბნეული უყურებდა **ოფალიანს**.

— აი, ასე ვიცი მე საქმის ჩაწყობა. შეისწავლე ახლა ეს ინსტრუქცია, შეისწავლე კი არა, სულ დაიშვირე! დაწვრილებით გამოგკითხავენ და როდესაც უპასუხებ, შენი თავი ჩარიცხულად ჩათვალე! ამ დღეებში შემოგვივლი!

ინსტრუქციის გადაცემის შემდეგ კიდევ ექვსმა თვემ გაიარა, **ოფალია ქიქიბარა** კი არ ჩანდა. **ლეილა გოგოჭარამ** ზეპირად შეისწავლა ინსტრუქცია, მაგრამ რად გინდა მერე? — კვლავ უმუშევარი იყო! არავინ იწვევდა მას ბენზინის გამყიდველის ადგილზე. ახლა კი შემოირტყა თავში ხელი **ლეილამ** და პირდაპირ პროკურატურას მიმართა.

პროკურატურამ ისიც გაარკვია, რომ ამ დღეში **ოფალია ქიქიბარის** წყალობით **გოგოჭარა** მარტო არ ყოფილა: **ანა აბულაშვილმა** თავისი პატივმოყვარეობის გამო „ყველაფრის გამკეთებელ“ **ოფალიანს** ბინის დაგირავების საბაბით თავისი ხელით ჩაუთვალა 4000 მანეთი, მერე კი თავში ხელი ირტყა, როდესაც მწარედ მოტყუებულ დარჩა. უფრო მწარედ მოტყუვდა **ლეილა გოგოჭარამ**, რომელმაც ასევე ვითომდა ბინის დაგირავებისათვის 10 000 მანეთი გადასცა **ქიქიბარის** ქალს, რასაც კიდევ დაუმატა 2 000 მანეთი.

მაგარი კაკალი აღმოჩნდა **ალექსანდრე კოტაშვილი**, რომელმაც სამი წლის გააფთრებული ბრძოლის შემდეგ შეძლო უკან დაებრუნებინა 8 000 მანეთი, რომელიც მას ადრე დასტყუა **ოფალია ქიქიბარამ**.

კეისარს კეისარისაო! — ყველამ თავისი წილი მიიღო.

— რომ მცოდნოდა, სად წავიქცეოდი, იქ ჩალას დავიგებდი! — იძახის ახლა **ოფალია ქიქიბარა**, მაგრამ გვიან არს შეგონებანი. რადგან **ოფალიანს** სასამართლო განაჩენით მოუწევს 5 წლით, ქონების კონფისკაციით საერთო რეჟიმის შრომით-გამასწორებელ კოლონიაში ყოფნა.

**ზაალ მესხინიანი**, საქართველოს სსრ იუსტიციის სამინისტროს უფროსი კონსულტანტი.



პაროდია ანტიკონულარ მანავი

კარგ ყმად ვინა ვსთქვათ, ვაუბრო,  
 ნათქვამი არა გვცხვენოდეს,  
 მშოვნელის გულს აბორგებდეს,  
 არაკაცს არა სწყენოდეს?  
 ვინ ვთქვათ და ვინაც ეწოწი  
 კრიალა „ვოლგა“ მშენოდეს,  
 ჰქონდეს აგარაკ-სახაბლი,  
 ფული ლეიბქვეშ მფენოდეს,  
 კუჭს, ღიბს და მუცელს გადაწყვეს,  
 ხალხისთვის არა სცხედოდეს!  
 პატარა კაცი სძულდეს და  
 დიდის დუღუკზე მდეროდეს!  
 მიდით, იქ მიდით, სადაცა  
 ხალხი ფულზედა ზღელავდეს,  
 ასკილიანი მუტრუკის  
 თვალნი სიხარბით ელავდეს!  
 ქურჭები მუხლებს სწვდებოდეს,  
 „მაყუთი“ იყოს ყელამდე!  
 „შმოტკების“ დადგეს გორები,  
 სხვათა ჭიბეებს სწველავდეს!  
 ვინა, ვინ არი კაი ყმა?  
 ვაუკაცი ვისლა ეთქმოდეს?  
 ვინც შიგებოს რევიზორს,  
 წინ-წინ ვინც სიტყვას ეტყოდეს,  
 სახე-ოფელ-გადამდინარი  
 სირცხვილს არ გამოიტყოდეს!  
 პატვისა სცემდეს მოსულსა  
 და ქორვაჭურულად ფრინავდეს,  
 „სტავკა“ მას მისცეს მთლიანად,  
 დაატკობს, როცა ბრდღვინავდეს!  
 ძმურად იყოფდნენ ნადავლსა  
 „ანონიმური“ ჭინაწი!  
 მიძღვნისა საუფროსოსა  
 დაუმადლებლად სწირავდეს,  
 დარაჯად ედგეს მაძღარსა,  
 როს ის ღრმა ძილით ხვრინავდეს!..  
 სჯობს, მოკვდეს მსუყე, მაძღარი,  
 თუნდ სიკვდილის წინ გმინავდეს!  
 აი, ვინაა კაი ყმა,  
 მოსაგონარი ქებითა!  
 არა თქვენ, უფულოებო,  
 რო შიმშილითა კვდებითა,  
 ღამე მშივრები დასწვებით,  
 დილით მშივრები სდგებითა,  
 ხელფასსა ჩასცქერთ, ძლომისთვის  
 არც როს არ გამასდგებითა,  
 სახელისათვის სცოცხლობთ და  
 კარგი სახელით ჰკვდებითა,  
 უქმად ჩამაშლევთ სიცოცხლეს,  
 უქმად საფლავში სწვებითა!..  
 საფლავსაც კარგს ვერ იშოვით,  
 თუ არ მიაწეკო რქებითა,  
 ქელინსაც გადაგინდიან  
 მარტო ხაშლამის ძვლებითა  
 (ცოტა ლობიოც იქნება  
 აჭა-იქ, ჩარეგებითა),  
 არ შაგიკრიფავთ ფულს არვინ,  
 არ გიტირებენ ცრემლითა!..  
 თქვენნივე დაიხარჯება  
 დაგროვებული წლებითა!  
 არც კარგად მოგიგონებენ,  
 არც შეგამკობენ ქებითა,  
 იტყვიან: „იყო სულელი,  
 მოკვდა თავისი ნებითა,  
 სუფთა ხელფასით ცხოვრობდა,  
 სხვები ცხოვრობდნენ ყვლდითა!“  
 დამკარგავთ აჭა სახრავსა,  
 ვერც იჭა ვერ გასძღებითა,  
 არ იცით, დახინდით რისადა,  
 ან რისათვისა კვდებითა!

ვანო ცინცაძე



ნ. ჯ. ლაშვილი  
 ერიკნული  
 გიგლიორთქკ

— უნდა მაპატიოთ. ფულის მოტანა დაგივიანეთ!..  
 — ეგ არაფერი! მთავარია, შემდეგში ჩვეულებად არ გადააქცეს!

## გაჭაქუჭი

„კბენის დარგში მე არა მწამს დოგმა!“ —  
 დაიღრინა ბრაზიანმა დოგმა.

რა თქვი, „სამოუარო?“ —  
 „რა საამო ვარო?“!

სხვას შენ ძალღივიტ პურისთვის ება! —  
 ნუთუ ეგაა პურის თვისება?

სწრაფად უნდა გავა გიფებს,  
 თორემ ბოღმა გავგაგიფებს!

ჩვენი იყოს, გემოვ, ნება,  
 იცოცხლე; გვაქვს გემოვნება!

შემოვა გავლენიანი,  
 ტირილით გავლენ იანი.

მოაფინეს მაღლი ურებს —  
 ლაქუნებს და მაღლიურებს.

თუ ვრგავთ რაღაც სამ-ოთს ხეს,  
 ველით რაღაც სამოთხეს?

რადგანაც იყო ლექტორი „უმი“,  
 არ გამოვიდა ლექტორიუმი.

ვაფრქვეთ ვარდნი, ტიტანი...  
 და გამოვაცხვეთ ტიტანი!..

უმალ გაკენიტა ისე ნიორი,  
 ვეჭვობ, რომ იყოს ის სენიორი.

გამიფრინე მუზა რაღო,  
 საომარი მუზარაღო?!

მეც რომ ნაკრძალში მომეკლა ტურა,  
 დამჭირდებოდა ნომეკლატურა.

როს სიმაღლეზე ავა გონებით,  
 იტყვის: „ტაძარი ავაგო ნებით“.

„ისევ ვწერამ, ინდო, ლექსსა,  
 მა რადა მთხრომთ ინტელექტსა?“

**გურამ პატრიკაშვილი**





ნახ. შ. გორაშვილის

— რამ გაბერა ასე ეს ძროხა, თუ იცი?  
— დაპირებებმა!

# სსპპრი სსპპპპო!.. ფელეტონი

დუშეთის, ლენინგორისა და ყაზბეგის აგროსამრეწველო გაერთიანებების საზოგადოებრივ მეურნეობებსა და დუშეთის პირუტყვის გადამამუშავებელ ქარხანაში იფიქრეს: ცხვარი უნო ცხოველია, გაპარსულს ჩავაბარებთ თუ გაუპარსავს, ხმას არ ამოიღებსო, და უგულვებელყვეს სახელმწიფოსათვის მისაყიდი ცხვრის სულადობის მომზადებისა და მისი მიღება-ჩაბარების ინსტრუქციის მოთხოვნების დაცვა.

სწორედ მეურნეობათა და ქარხნის ხელმძღვანელთა დანაშაულებრივი გულგრილობით უნდა აიხსნას, რომ სტანდარტის მოთხოვნების დარღვევით ახალგაპარსულ ცხვარს აბარებენ სახელმწიფოს და ამ მიზეზით ზარალდებიან როგორც საზოგადოებრივი მეურნეობები, ისე გადამამუშავებელი მრეწველობა.

დუშეთის რაიონის ცხრა საზოგადოებრივმა მეურნეობამ შარშან შემოდგომაზე პირუტყვის გადამამუშავებელ ქარხანას ჩააბარა 4 545 ცხვარი, რომელთაგან განუვითარებელბეწვიანი იყო 1078 სული. მეურნეობებმა სტანდარტის დარღვევის გამო (ოხ, ეს სტანდარტი!) 4 596 მანეთი იზარალეს. მარტო ბულაჩაურის საბჭოთა მეურნე-



ესხედვართ, მივდივართ!.. მანქანაში მხოლოდ ორნი ვართ, მეტიც რომ ვიყოთ, მნიშვნელობა არა აქვს ამას! გზას ვიმოკლებთ და ვეწვით თუთუნს, თან ვიწყებთ ბაასს. ჯერ ცას შევცქერით და ამინდზე ვსაუბრობთ წყრომით, რადგან აქა წვიმს და ქედებზე უკვე მოთოვა... მერე წვრილმანი საკითხები — კბილგასაკრავი — და პრობლემების გროვა და გროვა!.. განვსჯით ექიმებს, მასწავლებლებს, სიძვირეს ბაზრის, რას არ მოვედეთ, ცილობაა ფიქრის და აზრის!.. ვილაყბეთ ფრიად, დავდგით სიტყვის კორიანტელი, გადავებრუნეთ, გადავქექეთ სამყარო მთელი!.. ზოგს ფლიდად ვუნმეთ, სხვას ვუწოდეთ სხვისი ჯაშუში, ვის უკანონო შვილი დარჩა, კრეტინი, ბუში!.. და დავასკვნით, რომ ცხოვრება გამომდამც, ვაღმაც ზოგჯერ არ არის სრულყოფილი, არ ბრუნავს წაღმა!.. თუ არ გვიშველის საოცარი ძალა ციური, მეორედ მოსვლა თუ რაღაც წარღვნა!.. ესხედვართ, მივდივართ!.. მანქანაში მხოლოდ ორნი ვართ. წინ ფართო გზაა, ნათელია ჩვენი მიზანი: ამ ფართო გზაზე, უსასრულოდ მავალთა შორის, რაც შეიძლება მეტნი ვიყოთ სპეტაკ-წმინდანნი!

დავით ასკურავე

ობამ განუვითარებელი ბეწვით სახელმწიფოს მიჰყიდა 186 სული; ფასანაურის კოლმეურნეობამ — 256, მალაროსკარის კოლმეურნეობამ — 165 და ჭოპორტის საბჭოთა მეურნეობამ — 192 სული.

ლენინგორის რაიონის ხუთმა საზოგადოებრივმა მეურნეობამ მსგავსი დარღვევით სახელმწიფოს მიჰყიდა 1041 სული ცხვარი და იზარალა 4 211 მანეთი, აქედან დალიანეთის კოლმეურნეობამ იზარალა 1906 მანეთი, კორინთის საბჭოთა მეურნეობამ — 928, უკანამხრის კოლმეურნეობამ — 291 მანეთი.


ყაზბეგის რაიონის ხუთმა კოლმეურნეობამ სახელმწიფოს ჩააბარა 735 განუვითარებელბეწვიანი ცხვარი და იზარალა 3 359 მანეთი. სნოს კოლმეურნეობამ ჩააბარა 420 სული ცხვარი და იზარალა 2 233 მანეთი.

ნათქვამია: ძალი ვინც მოკლა, მანვე გადაათრიოსო. პოდა, საქსახაგრომრეწვის ბრძანებით დუშეთის, ლენინგორისა და ყაზბეგის რაიონების აგროსამრეწველო გაერთიანებათა თავმჯდომარეებს— ი. ნაჭლაიძეს, ბ. ელოშვილს და გ. ჯამარჯიშვილს, დუშეთის გადამამუშავებელი ქარხნის დირექტორს ი. კოვზირიძეს დაევალით დაუყოვნებლივ განიხილონ სახელმწიფოსათვის ცხვრის მიყიდვაში პირუტყვის მიღება-ჩაბარების ინსტრუქციის მოთხოვნების უხეში დარღვევის ფაქტები და განუვითარებელბეწვიანი ცხვრის ჩაბარებით მიღებული ფასთა სხვაობა მეურნეობათა სასარგებლოდ გადაადგვიანონ იმ მუშაკებს, რომელთა დაუდევრობითაც მოხდა ეს დარღვევა.

ასეა: ცხვარი ცხვარიო, თუ გაბრაზდა ცხვარიო! ცხვარმაც იცის სამართლის გზა!

ქ. გოგილაური





— ისე მიეჩვია საამქროში ძილსა და დასვენებას, სანატორიუმის საგზურზეც უარი თქვა..

**სტოპილა** ჭადრაკის ისტორიკოსმა უძველეს ხელნაწერებში მიაკვლია უცნობი ქართველების მიერ უცნობი დებიუტით გათამაშებულ უცნობ საჭადრაკო პარტიას. ჯერჯერობით იმის დადგენა მოხერხდა, რომ უცნობმა მსაჯმა 30-ე სვლაზე მეტოქეებს ორმხრივი პასიური თამაშისათვის ნება არ ღართო, ყაიმზე შეთანხმებულიყვნენ.

—:—

**სტოპილია**, რომ აუზზე, სადაც ცურვის რეკორდებს ამყარებენ, ამბობენ, იქ სწრაფი წყალიაო. ჩვენს დედაქალაქში ყველაზე სწრაფი წყალი მშენებელთა სახელობის ქუჩაზე მდებარე აუზში აღმოჩნდა: კაპიტალური რემონტის შემდეგ, ავსების ცდისას აუზი რამდენიმე წუთში იცლებოდა.

—:—

**სტოპილი** კომბინატის დირექტორს საწარმოო თათბირზე უსაყვედურეს: სპორტულ დარბაზს ჯეროვან ყურადღებას არ აქცევო!  
— აუცილებლად მივაქცევ! — პირობა დალო დირექტორმა და... სპორტული დარბაზი საბანკეტოდ გადააქეთებინა.

—:—

**სტოპილ** წყალმსტომელს ერთი საღამოს განმავლობაში რამდენჯერმე მიულწევია. უმაღლესი საფეხურისათვის, მაგრამ გადმოსტომა ვერც ერთხელ ვერ გაუბედავს.

შეკრება ე. თამაზაშვილმა

# უთქუდე-ყსყინარი

ოცდაშვიდი! — სრული ოცდაშვიდი წელიწადია, რაც ქალბატონი ნატო განყოფილებას უძღვება! თუ ამდენი ნაკლი ჰქონდათ ჩვენებს მისთვის სათქმელი, დღევანდლამდე, საკვირველია, რა გული უძლებდათ?!

ისე გავიდა ტკბილად ოცდაშვიდი წელიწადი, რომ მისი ურიგობა არავის წამოსცდენია! აბა, ვინ, რომელი მისცემდა თავს ამის უფლებას, როცა მისგან არც ერთ ჩვენგანს არაფერი სწყენია?!

არ გვანსოვს ჩვენ მისი სიმკაცრე და მომთხროვნელობა, არ გვანსოვს, რომ უქმად ყოფნისთვის შენიშვნა მოეცა! განა ვერ გვხედავდა, როგორ ვუქსოვდით ქმარ-შვილს, ან შავ-თეთრი მატყლის ძაფს როგორ ვახვევდით ორკეცად?!

ვაიმე, რამდენჯერ გავციდენია სამუშაო. მართლაც, არ გვეპატიებოდა ისეთი მიზეზით! „გამოდით, თქვით რამე!“ — ვჩურჩულებ აქეთა და იქით..

გაგიგონია?! ჩემი მუჭლუგუნები ვის ესმის?!

რას ვიზამდი, ავდექ და ვიქუხე აღელვებულმა, ჩემებრ თავი მოვუყარე მთელ გულს ახლაუბდას:

როგორ შეიძლება-მეთქი ამ ქალის გამეტება?! არაფრით არ ეკუთვნის მას ეს ჩვენგან, რა თქმა უნდა!

ვაბ, რამდენი შაქარივით ტკბილი სიტყვა დავხარჯე, მაგრამ რა? — ისე მაგრად იდგნენ ნათქვამზე ჩვენები, ვერავის ავუჩვილენ ის გაკერპებული გული, ვერავის დავადგრევიენ სიბრაღის ცრემლები..

„ოცდაშვიდი! ოცდაშვიდი!“ — ამ ჩემსას გავიძახდი, ისინი კი — „სანამ საქმე ნულამდე არ დავიდა, სანამ სულ მთლად არ შეირყა ჩვენი ავტორიტეტი, ჩვენ ეს უსაქმურობა ვერ მოვიშორეთ თავიდან!“

ნამდვილად ეგრე გამოდის, რომ ქალბატონმა ნატომ ვერ შეძლო გარდაქმნა და ჯერ ვერ აუღო ალღო ამ დროს. ნამდვილად ეგრე გამოდის, რომ ქალბატონმა ნატომ მოუხმარებელი ფარი და ხმალი უნდა დადოს!

უსიტყვოდ მიიღო დაქვეითება ჩვენმა ნატომ (ან რაღა საჭირო იყო, დაესვა კითხვა — „რატომ?“). ... ებ, რამდენი მეგულება თანამშრომელთა შორის, ნატოსთანა უწყინარ უფროსს გულით რომ ნატობს!

ლალი მარტაშვილი











# ორმოებრი



ფელეტონი

„... გზებზე მოძრაობის წესების ძირითადი მიზანია გაზარდოს ქუჩებისა და გზების გამტარუნარიანობა და უზრუნველყოს მოძრაობის ყველა მონაწილისა და ორგანიზატორის უშიშროება“. სამწუხაროდ, ამ კეთილშობილური მიზნის სრული რეალიზაციიდან ჯერ კიდევ შორს ვართ!

პარადოქსია, მაგრამ „გამტარეანობის ზრდასა და მოძრაობის უშიშროებას“ ხშირ შემთხვევაში ზღუდავს თვით გზები, ქუჩები და ზოგჯერ მოძრაობის წესებიც. საქმე ის გახლავთ, რომ გზები და ქუჩები უმეტესად უხარისხო გვაქვს, ხოლო „წესები“ არასრულყოფილია. ამიტომ დაგროვილი გამოცდილების მოთხოვნათა შესაბამისად დროგამოშვებით მიზანშეწონილია მოძრაობის წესების გადაშუაგებაც და ნიშნების შეგება-გამოკლებაც.

მაგალითად, საგზაო ნიშნები სრულიად უგულვებელყოფენ ორძოებს! არადა, ჩვენი გზები ორმოების გარეშე წარმოდგენილია!

„ნიანგის“ რედაქცია წინადადებას სთავაზობს რესპუბლიკის სახელმწიფო ავტოინსპექციას, რათა საგზაო ნიშნების სახელმწიფო სტანდარტს შეემატოს კიდევ ერთი ჯგუ-

ფი, რომელსაც პირობითად შეიძლება ეწოდოს „ორმოებრი“ — ორმოების აღმრიცხველი ნიშნები.

ვფიქრობთ, აღნიშნული ჯგუფის შემოღება დიდ დახმარებას გაუწევს მოძრაობის ყველა მონაწილესა და მის ორგანიზატორს. ვთქვათ, მძღოლს აინტერესებს რამდენი ორმოა ამა თუ იმ ქუჩაზე, ან გზის მონაკვეთზე. გაიხედავს და თვალს მოჰკრავს საგზაო ნიშანს, რომელზედაც აღნიშნული იქნება ორმოების რაოდენობა და გზის მონაკვეთის სიგრძე. ბუნებრივია, ამის შემდეგ დაინტერესებს ორმოთა მოცულობა, სიგრძე, სიგანე, ფორმა და სიღრმე!..

როგორც ვიცით, ორმო მრავალნაირია: „ქიგულის“ ბორბლის ოდე-


ნა, „ვოლგის“ ბორბლის ოდენა, სატვირთო მანქანის ბორბლის ოდენა, ტროლეიბუსის ბორბლის ოდენა, სატვირთო ავტომანქანის მარის ოდენა, თვით ავტომანქანის ოდენა და, ბოლოს, სამარის ოდენაც. ეს რაც შეეხება ზომებს. მაგრამ ორმოს ხარისხსაც დიდი მნიშვნელობა აქვს — ცარიელია იგი, წყლით სავსეა, თუ ტალახიანია? ახლა ფორმით განვიხილოთ: ესენია — კონსერვისებური ორმოები, შენიღბულ-თავდახურული, ნახევრად თავახდილი, ან მთლად თავახდილი, გვერდზე მიგდებულ-წარწერიანი („წყალკანალი“, „სატელეფონო ქსელი“...), ან უწარწერო თავსახურავებით, მართკუთხა, კვადრატული, წრისებური და სხვა მრავალი. არის სრულიად გაურკვეველი მოხაზულობის ორმოებიც. ყველა მათგანი საშიშია, მაგრამ გამოირჩევა განსაკუთრებით საშიში — ავთვისებიანი ორმოები. არის, რა თქმა უნდა, კეთილთვისებიანიც, მაგრამ იგი ჩვენი რესპუბლიკის გზებზე იშვიათია. ორმოთა შორის განსაკუთრებულ პატივისცემასა და მოკრძალებას იმსახურებენ ე. წ. ტრადიციული ორმოები. ესენი უმეტესად ქალაქებში, რაიონულ ცენტრებში გვხვდებიან, თაობიდან თაობას გადაეცემიან და მარადიულობას ინარჩუნებენ!

აი, ამიტომ გავვიჩნდა აზრი, რომ ორმოები მეტ ყურადღებას საჭიროებენ და სავსებით იმსახურებენ, რომ „საგზაო ნიშნებში“ მათ მიუჩინოთ ღირსეული ადგილი!


ამასთან, „ნიანგის“ რედაქცია აცხადებს კონკურსს ყველაზე საინტერესო ორმოს აღმოჩენისათვის. არა-ეფექტური, უბრალო ორმო, რომელიც თითქმის ყოველ ნაბიჯზე გვხვდება, კონკურსისათვის არ გამოდგება.

გთხოვთ გამოგვიგზავნოთ განსაკუთრებულად საშიში ორმოს მისამართი. მის მიმზიდველობას, კატეგორიას, ხარისხს და მოცულობას რედაქცია დაადგენს. დაადგენს და საჭირო რეკომენდაციებსაც შეიმუშავებს.

ნახ. ი. ხაინაშვილისა







**სახლიდან ჩემს სამსახურამდე შვიდი კილომეტრია.** ამ გზის გავლას „იკარუსი“ სვენებ-სვენებით ოც წუთს ანდომებს. გაჩერებზე იკარგება დრო, თორემ შვიდი კილომეტრი რა ბედენაა! ყოველი გაჩერება ცუდად მოქმედებს ჩემზე. შეიკავებს თუ არა „იკარუსი“ თავს და შედგება, ასე მგონია, თათბირი იწყება. ეს აზრი იქიდან აქვს, რომ ჩემი დირექტორი ყოველ დღეს თათბირს მართავს წინაღობის უმოქმედობის შესახებ. შეაჯამებს თათბირს და ოქმი იწერება იმის შესახებ, რომ დროულად მიიღო ზომები ჩამორჩენის აღსაკვეთად და თუ სვალ რამე გაფუჭდა, იმისი ბრალი არ იქნება.

ღმერთო, ნეტავი დღეს თათბირი არ იყოს და, თუ გინდა, ფუნბურთის ორ თამაშს გამოვტოვებ ზედიზედ! — ყოველდღე ამას ვნატობ, ამას ვფიქრობ, ამას ვიმეორებ გუნებაში და დარუკავს თუ არა საათი ცხრას, დირექტორის კაბინეტში ვზივარ თათბირზე!.. თათბირს დირექტორი იწყებს. მერე ჩვენ ყველა ვიმეორებთ იმას, რაც დირექტორმა უკვე თქვა: მერე დირექტორს აუტყვდება თავის ფხანა, ჩვენ კი ვეწვევება მთქნარება. მერე მთქნარება გადაედება დირექტორსაც და ჩვენ ვიპარებთ თათბირიდან მას მერე, როგორც კი დირექტორი ნორმაზე სანგრძლივი დროით წაჰკიდებს თავს.

დღეს არა, დღეს ვერ გავიპარეთ. ამოუშვა თუ არა პირველი სერინვა დირექტორმა, ადგილკომის თავმჯდომარემ თვალი ჩაგვიკრა, სელი დაგვიქინა და თავისთან წაგვიყვანა მორიგ თათბირზე.

ვითათბირეთ, ვითათბირეთ, ვითათბირეთ და არავის დაგვეძინა. ეს ყველაზე უფრო საინტერესო თათბირი იყო ამ თვეში. მაგრამ გაოჩორკვა, რომ ნამდვილი თათბირი ახლა იწყებოდა. ადგილკომმა ორი კაცი დაგვასახელა დელეგატად რაიონულ თათბირზე დასასწრებად და დასძინა, რომ ეს თათბირი ერთი კვირის წინათ უნდა ჩაეტარებინა, მაგრამ თათბირების გრაფიკში ვერ მოვხვდით.

ამრიგად, რაიონულ თათბირზე პირდაპირ ამ თათბირიდან უნდა წავსულიყავით. წავედით კიდევაც. უფროსის თხოვნის შესრულებას ვინ აღუდგებოდა წინ!

რაიონულ თათბირზე, რომელიც მხოლოდ საათ-ნახევარს გაგრძელდა, მე და ერთი არაჩვენი თანამშრომელი აგვიჩინეს რევიონალური თათბირის დელეგატებად და დღის



**ნოკვლა**

სამ საათზე გაგვიშვეს შინ, ესე იგი სამსახურში.

დავბრუნდეთ თუ აღარ დავბრუნდეთ სამსახურში? ახლა უკვე ოთხის ნახევარი ხდება. სანამ სამსახურში მივალ, თხუთმეტი წუთი კიდევ გავა. მოდი, შინ წავალ, პა? არა, ცოლი ცოდოა, როცა შინ მხედავს, ხელები ებლანდება, ვედარაფერს აკეთებს. არა, არა!.. ისევ სამსახურში წასვლა აჯობებს!

ავათავე თუ არა კიბეები, ცარიელი ოთახები და მძვინვარე. ერთი ოთახი, ორი, სამი, ოთხი!.. ყველა ცარიელია, ესე იგი თათბირზე არიან სადღაც. მაგრამ სად? განყოფილების გამგის კაბინეტში. მოდი, შინ გავიპარებ. მაგრამ ცოლი რას მტყუის?

არაფერია!.. სახლმმართველობაში შევიკვლი ბავშვისათვის ცნობის ასაღებად. ვიდრე ცნობას დამიწერენ, სანამ იქ ვილაკან ვაშლს ველაპარაკებ, სანამ ვიდრე, სანამ ვიდრე და დროც გავა, მე შინ მივალ, რიგიანად ვისადილებ და მერე... მერე. მერე არაფერი, ტელევიზორს ვუყურებ!..

სახლმმართველობაში ისე გაბედულად შევედი, თითქოს მთელი დღის განმავლობაში არც ერთ თათბირზე არ ვყოფილიყო.

— სად არის შეპასპორტე? — ვიკითხე შესვლისთანავე.

— უფროსთან, თათბირზე!

გული იმიტომ არ წამივიდა, რომ შინ მისვლამდე ჯერ კიდევ მქონდა დარჩენილი დრო. არ მინდოდა, ცოლს ვადაზე ადრე ვჩვენებოდი — რამდენიმე სანტიმეტრით აქვს წერვები დაძრული ადგილიდან.

სახლმმართველის კაბინეტის კარი შევაღე და ვიკითხე:

— მალე მოთავდება თათბირი?

— მობრძანდით, მობრძანდით, სწორედ თქვენ გვკვირდებოდით! — მითხრა სახლმმართველმა, — ნეტავი ყოველთვის ასე ამინდებოდა, რასაც ვინატრებ! იცით, რა? ზედა სართულიდან ქვედა სართულზე ჩამოხეთქილი წყლის შესახებ გვქონდა საუბარი და სწორედ თქვენ გვკვირდებოდით!..

ამ თათბირმა საათსა და ჩვიდმეტ წუთს გასტანა. შინ ოცდაათმეტი წუთის დაგვიანებით მივედი. მივედი და, ნეტავი ჯერ არ მივსულიყავი! — ჩემს ცოლს, ჩემი ბავშვების დედას, დაუსხამს მორბედეები და რაღაცაზე უთათბირება.

— მოდი, კაცო, მოდი, შენი აზრი გვკვირდება! — მომართა ჩემმა ქალბატონმა და შინ ისეთი თათბირის სუნი იდგა, შესვლისთანავე წავიქეცი და ისღა შევამჩნიე, რომ უფროსი ბიჭი ტელეფონზე 03-ს კრუფდა!..

**გიორგი ივანიშვილი**



**ჭაბუკოს  
ჯგულის  
შესახებ**

**ერთი უცნობ** კაცს ბრძოლის ველის შესახებ გამოჩენილ აღმიჩანთა გამონათქვამები ამოუკრებია და ჩემს რედაქციაში მოუტანია გამოსაქვეყნებლად.

— ეგერ, მარცხნივ, მესამე ოთახში კაცი რომ ზის, ის გადაგიხედავთო! — უთქვამთ უცნობისთვის.

გადავუხედე:

„ვინც შემინებულა, იგი ნახევრად დამარცხებულია“ (ბ. სპორტოვი);

„ჩემი სახლი და სასახლე ბრძოლის ველია“ (პ. ბაბრატიონი);

„უმჯობესია ათასი მარცხი იწვნო, ვიდრე თუნდაც ერთხელ გაიქცე ბრძოლის ველიდან“ (ბ. მანდვიძი).

და სხვათა და სხვათა დიდთა გამონათქვამებს შორის თვალს ვკიდებ თუ არა ჩემსასანს: „ბრძოლის ველზე შიშის გრძობა ჩლუნ-

გდება, თავგანწირვისა — ბობოქრობს“, — მსწრაფლ ამოვეშალე.

— რათა, რათა?! — შეწრიალდა უცნობი, — მართალი ნათქვამია, თავად ვანდით ბრძოლის ველზე!

— მართალი კი არის, მაგრამ ჩემია!.. უხერხული იქნება აქ!..

— მე კი, თქვენი თავდასავალი რომ წამიკითხავს, ცოცხალი არ მეგონეთ!.. — ჩაიბუტბუტა თავისთვის.

და დამყბულდა ამომხლას.

საწერო მაგიდავ — ველო ბრძოლისაო! — გამიყვანს შენგან დრო? თუ დამტოვებს შენზევე, ვით სანიტარი, რომელსაც უფრო საიმედონი ჰყავს გასაყვანი და იძულებულია დატოვოს სულთმობრძავე დაჭრილი?!

**ვლადიმერ თორღლა**



# ბარათები „ნიანგს“

**პისონაჟი** გააფრთხილოთ თქვენი კარიკატურისტები, უფრო დაკვირვებით ნათონ, თორემ მეზობლები არ მიჯერებენ, რომ ნახატზე გამოსახული ტიპი მე ვარ!

**კონია სპეკულანტია**

**რას წვენი;** შვი გადავედი სამუშაოდ, სულ ნიანგს მესიზმრება ხოლმე. გთხოვთ ამისხნათ, ცხადში ხომ არაფერი შემუქრება?

**კაფია წვენია**

**მიტოვებული** მყავს სამი წყება ცოლ-შვილი. სამივეს ალიმენტის გადასახდელად ჩემი ხელფასი არ მყოფნის. გთხოვთ ყოველთვიურად მომცეთ პრემია!


**დანაზოგ ჩემია**

**მიიღო მურხან მარკვილიშვილმა**

## ბიუროკრატის „საქანსოვროლან“

- **გზამდელს** ადამიანი თა სიტყვა, ოღონდ სიტყვა იგი დამოწმებული უნდა იყოს ხელმოწერითა და ბეჭდით!
- **სხვის მხრებზე** ნებისმიერი ტვირთი მსუბუქდება.
- **სამუშაოზე** ცუდ უბრალოდ არ დახარჯო დრო, გაუფრთხილდი ყოველ დაკარგულ წუთს!
- **ნუ ეძებ** შენიშვნებს, ისინი ყოველთვის ხელთ უნდა გქონდეს!
- **ნუ მიიღებ** მთხოვნელებს, ვიდრე წინასწარ სათანადო პოზა არ მიგიღია!
- **მოითხოვე** საკუთარი თავისადმი პატივისცემი, თუ მისი დამსახურება არ შეგიძლია!
- **არის** სიტყვები, ხელს რომ უშლიან სიტყვიდან საქმეზე გადასვლას, არ დაივიწყო ისინი!
- **შედი** იმ ადამიანთა მდგომარეობაში, ვისაც მდგომარეობა მტკიცე აქვს!
- **შორს** ნუ გადადებ იმას, რაც შეიძლება მაუღქვეშ ამოღო!


„ლიბერატურანია გაზეთა“



უსიტყვოდ

ნან. პ. ზუბანშვილისა

КОНТРОЛЬНЫЕ  
ЭКЗЕМПЛЯРЫ



— დავიღუბე! ჩემი ქმარი ისე გარდაიქმნა, მარტო ხელფასი მოაქვს შინ!..

ნან. პ. ლელუქანი

## ქროცხილია და ბაყაყუ

ივანი

მაძღარ ბაყაყს, ერთხელ დილით, ლაფში ტანი გაეთიხნა და ეძინა ტკბილი ძილით შუადღემდე, მერე — დიხანს!..

ბოლოს, როცა გაეღვიძა, აიხედა წვეთი! — ამ დროს დაინახა, რომ მერცხალი ცაში ლაღად დანავარდობს!..

უცქერს მას და დარღით კვდება, ფრთა ინატრა: მისი შურით, მერე კი თქვა: „მებრადლება, ხულიელი და უბედური!..“

სიცხეში და ქარში ფართხალს არ უჯობდა ჩვენთან ლაფში არ უჯობდა მწიერ-მწყურვალს ჩვენთან უჯღეს ხულირას გაშლილს?“

ხაწყალ ბაყაყს რაღა ვუთხრაო? — ჩვენს შორისაც ვხედავთ მხგავებებს! თუ შენც ლაფში არა ცურავ, ბაყაყვით შეგაფახებს!

გიორგი კაპანაძე



# „ნიანბოს“ სარეკლამო ბიურო

განცხადება

გლდანის V მიკრორაიონის №22, 22ა, 23 და სხვა კორპუსების ის ბინადრები, ვისაც ფანჯრებიდან საცქერად სცალია, ხანგრძლივი დროით ავირავენ ამ კორპუსების აღმოსავლეთით მდებარე მინდორს ნავაგვორებიანი რელიეფით, რომელიც შეიძლება გამოყენებულ იქნეს სპორტული ბაზების მოსაწყობად, აყალო მიწისა და ნაგვის ზვინები, რომლებიც დღითიდღე მალდება, ხელს შეუწყობს სათხილამურო სპორტის განვითარებას ტრამპლინიდან ხტომაში, სლალომსა და სხვა სახეობებში.

ზაფხულობით კი შეიძლება ჩატარდეს შეჯიბრებები დაბრკოლებების გადალახვაში: ნაგვის სუნი იმდენად შემაწუხებელი იქნება, რომ გაქცეული სპორტსმენი მოსალოდნელია ისე გაფრინდეს, ვეღარც გააჩერო, რაც იმის წინაპირობაა, რომ რეკორდებს უნდა ველოდოთ!

მ. მახარაძეში ქირავდება ბესიკის ქუჩა მთელი სიგრძითა და სიგანით მიმდებარე და დიდგაბარტიანი მანქანებით ავტორალის მოსაწყობად. ქუჩა განგება მოკლებული ტექნიკურ გაბარიტებს, რაც აიძულებს ავტორალის მონაწილეებს, წაივინდნენ გარკვეულ რისკზე და სიცოცხლის საფრთხეში ჩაგდებათ შეასრულონ მანქანური ტრიუკები: ცალ „სკატზე“ სვლა, სრული სვლით მოხვევა ტროტუარის გამოყენებით, ორმოებში ჩაყვინთვა-ამოყვინთვა, ავარდნილი მტვრის ბურუსში გზის გაგნება, სინათლისა და სიგნალის სინქრონული გამოყენება და ა. შ. ცნობებისათვის მიმართეთ შემდეგი მისამართით: ქ. მახარაძე, ბესიკის ქუჩის I შესახვევი.

ჯეიმოვამისის ქუჩის №79ა და №79ბ კორპუსების მცხოვრებნი აცხადებენ კონკურსს მეურმისა და შიკრიკის ვაკანტურ თანამდებობათა დასაკავებლად (2 საშტატო ერთეული).

მეტურმეს უნდა ახლდეს კამეჩებზემბული ურემი და გააჩნდეს ტალახიანი გზებით მგზავრების გადაყვანის პრაქტიკული გამოცდილება და სერვისის ტექსტილის დონეზე.

შიკრიკს უნდა ესმოდეს სულ ცოტა სამი ენა მაინც და, რაც მთავარია, უნდა გააჩნდეს დიდი სისწრაფე, გათვალისწინებული იმ რაიონის მომსახურებისათვის, სადაც არ არის ტელეფონის ჩიხური და ექიმის, ვეჟილისა და მისთანების გამოძახება ხდება მამაბაბური ხერხებით.

კონკურსის ვადა ერთი თვეა დღიდან ამ განცხადების გამოქვეყნებისა.

სარეკლამო ბიუროს აგენტი არადინდო არდაშენია

## ჩემი დღის რეჟიმი, ანუ როგორ ვახერხებ ფონაში დაკლებას

იუმორისკა

ლოგინიდან ჯერ პირდაპირ შარვალში ვსტები, მერე ტუფლებში, სპრინტერით ვწყდები ადგილს, კოსმოსურ სინჯარეს ვავითარებ და სულზე ვუსწრებ ავტობუსს. სამოსს იღებთებით ვიკაფავ გზას, ბრასისტივით ვაპობ ხალხის ტალღას და ჩემს გაჩერებაზე ნერვებდაღლილ-დაწყვეტილი ვეშვები დაბლა.

მოსულიერების შემდეგ კენგურუსავით ავრბივარ კიბეებზე და სერჟანტივით ვეჭიმები უფროსს, რომელიც ჯერ თვალებით მჭამს, მერე — ენით. მოთელვისა და ცივი შხაპის მიღების შემდეგ ვიღებ ქალღმების დასტას და გავრბივარ!..

მარათონული ამანათრენი ოთხ საათს გრძელდება. შესვენება რიგსა და ჭამაში ქრება და კვლავ ჩემს სტიქიაში ვარ. დღის ბოლოს სულმოუთქმელად გავრბივარ ბაზისაკენ, საიდანაც ზაფრანასავით გაყვითლებული, ხანვივით გაფცქნილი, გაწინმატებული და აპილპილებული გამოვდივარ და რობოტივით მივაბიჯებ სახლისაკენ, სადამოს კი წელმოწყვეტილი და სუნთქვაშეკრული დღიურ ანგარიშს ვაბარებ ცოლს, რომელიც მისწორებს ანგარიშს, რაც უწყლოდ და უწყალოდ ცივი შხაპების მიღებით გამოიხატება.

თუ ამ პროცედურებს ყოველდღიურად შეასრულებთ, დარწმუნებული იყავით, რომ ქონი არ მოგეკიდებათ, იქნებით მხნე და უშიშარი, ვითარცა უნორცო!

შენიშვნა: ვისაც ჩემი გამოცდილების გაზიარება სურს, იყოლიოს ცოლ-შვილი (თუ არ ჰყავს) და გაყიდოს ავტომანქანა (თუ ჰყავს)!

ალეანზორ თაჰაძე



საქართველოს და ჯადრაკს იფიცებს, ფიცელში აქსოვს გურულ სიფიცებს! ტყუილს, სიყალბეს უბრძვის, იცილებს! შემოდგომაზე ითვლის წიწილებს!..

ნაღდი მწვრთნელი! ნაღდად ვიცი მე, რომ მომავალშიც ნაღდად იბრწყინებს!

უნიკალური ამკობს სიწმინდე! თან გადააყვება კაცს, რა მისჭირდეს!

ვისაც გვხვბათ, ყველამ ისმინეთ: კუთვნილისათვის სანამ იცდიდეს?!

გულგრილობისგან შორს დაიჭირეთ, ნუ შეიწირავთ შოთა ინწყირველს!..

და გწამდეთ, კვლავაც არ გავაწბილებთ! — დიდოსტატებად აღზრდის ყმაწვილებს!

ზაურ ბოლქვაძე

აქცენი


- თუ მიზანი მოითხოვს მსხვერპლს, — ეს უკვე მკვლევლობაა.
- სწრაშად ის მიდის, ვინც უკან არ იხედება.
- ტყუილს მოკლე ფხვები აქვს, მაგრამ იორლა ცხენით დარბის.
- უშინოდ სიცოცხლე არ შემოძლიაო! — ფიცებოდა მგელი ცხვარს.
- იწაპ მართალი და ტყუილს სხვები დაემტყიცებენ!
- თუ კრიტიკა კრიტიკულ მიდგომას მოითხოვს, — ეს უკვე სატირაა.
- ნაგვინი იუმორისტი ტყუილსაც სიმართლედ აქცევს!

სულხან ჯორჯანელი



სამშუხაროდ, ჯერ კიდევ არის შემთხვევები, როცა ორი-სამი წლის წინათ გაცემულია ბინის ორდერები, სახლების აშენება კი დაწყებულიც არ არის.

ნახ. ბ. ლომიძისა



— ეს მშენებელია?  
— არა, პირველი სართულის მოზინა-  
დრეა!



საბარისა და იუმორის შუარნალი „წინაწი“ № 11 (1741). იენისი. გამოდის 1923 წლის იენისიდან.

მთავარი რედაქტორი ჯაშარ გომეზაძე

სარედაქციო კოლეგია:

ავთანდილ ადგიშვილი (პასუხისმგებელი მდივანი), ჭაბუა ამირეჯიბი, ნოზაძე ბართაია, ბორის გურგულია, რევაზ თვარაძე, ჯემალ ლოლუა, ნოდარ მალაზონია (მხატვარ-რედაქტორი), ალექსანდრე სამსონია, ბეჟან სიხარულიძე, (მთავარი რედაქტორის მოადგილე), ჯანსუღ ჩარკვიანი, თამაზ წიფვიძაძე, ნაფი ჭუსიოთი.

ტექნიკური რედაქტორი ირაკლი დუნდუა

გალაქცია ასაწყობად 4. 05. 87 წ. ხელმოწერილია დასაბეჭდად 21. 05. 87 წ. ქალაქის ზომა 60×90<sup>1/4</sup>, ფიზიკური ნაბეჭდი ფურცელი 1,5, სააღრიცხვო-საგამომცემლო თაბახი 1,9, საქართველოს კაცის გამომცემლობა, ლენინის 14. შიკვ. 1172. უფ. 04838. ტირაჟი 144.000. ყურნალი გამოდის თვეში ორჯერ. რედაქციაში შემოსული მასალები ავტორებს არ უბრუნდებათ.

ჩვენი მისამართი: 880008. თბილისი-8, რუსთაველის პროსპექტი № 42.

ტელეფონები: მთავარი რედაქტორის — 99-55-54, მთ. რედ. მოადგილის — 93-19-42, პ/მგ მდივნის — 93-10-78, მხატვარ-რედაქტორის — 99-02-38, განყოფილებათა გამგეების — 93-49-32, რედაქტორ-ლიტმუშაკების — 99-02-38, მდივან-მემაწიანის — 99-76-69.

სატირიკო - юмористический журнал «НИАН-ГИ». (На грузинском языке). Тбилиси, пр. Руставели № 42. Издательство ЦК КП Грузии, Ордена Трудового Красного Знамени типография издательства ЦК КП Грузии, Тбилиси, улица Ленина № 14.

ფასი 20 კაპ. ინდექსი 76137

